

## Даалгъвран давулдж кўцаджанә

Приозерн района, „Северный“ совхозин негдгч фермдах хёоч болдж ўр Пәркәсә Гучн кёдлджанә. Эн кёдлмштән Гучн орад кўци джил болад уга, тер бийнь кёдлмшиннь сән дамшлт илдкдж Гучн ўзўлв.

Январь сард болсн хёочнрин хург деер Гучн даалгъвр авч, 100 хён болгънас 115 хургъ авх болла. Ода тер даалгъран давулдж кўцаджанә. Хургълчксн 684 хёодәсн 878 хургъ

эрўл-менд авб, эс гидж 100 хён болгънас 128 хургън авгдв.

Ода, хёодин тёл авлгъна гўргў цагт ах хёоч Гучн болн энўнлә кёдлджәх Шининов Борис, Церенов Хода болн Баттаев Орс ўнн седклән тәвдж кёдлджәцханә. Одр болгън хургъта хёодин кевтринь селвнә. Чилгр дулан одрмўдт, 5-6 хонсн хургъдиг цевр агъарт газаран гаргъна.

Хургълсн хёодин асрлгъинь

ясдж, шимтә кёк сән овс огна. Тер тёләд хургълчксн цуг хёодиннь чинань сән, хургъднь чигн чанъгъ-чиирг, гару угагъар осджанә.

Ах хёоч Пәркәсә Гучна бригад хургъдиг экәснь салгъх цаг кўртл, хёодән сән чинәтәгъяр бәрдж, хургъдан цуг эрўл-менд оскдж, орн-нутгтан орулдж оғх ноосна зура давулдж кўцахәр зўткджанә.

БАДМИН Н.